

明史攷證擴逸

九四



明史攷證攬逸卷五

長洲王頌蔚編集

列傳第二十三

陳遇傳子恭舉人累官工部尙書○按七卿表工部尙書無陳恭名攷列卿記恭以大理寺丞督易州山廠累加工部尙書蓋工部不過虛銜未嘗實理部事故表不載

陳遇附傳時太祖居富民家○按徐達克鎮江在元至正十六年其年二月明兵甫下集慶此云居富民家蓋卽初渡江時也

時方督師至鎮江時方攷明年○按本紀元至正二十六年

正月自將救江陰旋即還未嘗有二十五年督師鎮江之事

葉兌傳而察罕兵勢甚盛遣使至金陵招太祖○按本紀太祖以元至正二十一年通使察罕次年六月察罕始報書留使者不遣至十二月其子擴廓帖木兒始以書歸使者未嘗有遣使相招事此因元順帝是年曾遣尙書張昶航海來招遂誤移於察罕耳

范常傳兼太常卿

卿改司

○按百官志明太祖吳元年置

太常司洪武三十年改司爲寺建文中乃有太常卿少卿之名常之兼太常在洪武元年則卿當作司

范常附傳改爲金華府

金華改寧越

○按明太祖初定婺州

改爲寧越府後乃改金華庭堅知府事在初定時當稱寧越爲是

父子皆以鄉校顯○按潘黼初授太平府學教授改金壇簿尋擢起居注徙中書左司郎中吳元年除江西湖東道按察使此云父子皆以鄉校顯而不書黼之爲教授記載未詳

列傳第二十四

陶安傳陳友定兵攻城

陳友定改信州賊

○按陳友定攻饒州

明實錄及本紀皆不載考是時友定據有八閩僅一遣兵攻明處州爲胡深所敗卽閉境自守豈能越浙攻饒考開國臣傳攻饒者乃信州賊蕭明

草上時務十二事○按明實錄作條上時務二十事  
陶安附傳元南榜進士第一○按元史選舉志皇慶二  
年定制蒙古色目人作一榜漢人南人作一榜故此  
別稱南榜進士

詹同傳乃分四十類凡五卷名曰皇明寶訓○按明太  
祖寶訓藝文志作十五卷蓋其後史官續輯增多耳  
朱升傳子同官禮部侍郎坐事死○按列卿記及王世  
貞卿貳表皆云同於洪武十六年坐事廢不言其死  
崔亮傳字宗明○按列卿記載亮字執夫開國臣傳又  
稱亮字義夫與此互異

疑祭天不順所致

順改  
慎

崔亮附傳答祿與權

答祿俱改達魯特

○按與權奈曼部人先

世有爲萬戶者以勇稱元納延爲之賦射虎詩敘云  
卽與權之曾祖又稱與權爲至正初進士由祕書監  
管勾仕至河南北道廉訪使僉事見元詩選明史稿  
所載略同但云蠻部人又云先世有別號答祿者因  
以爲氏則未解音譯而譌耳

改翰林修撰坐事降典籍○按明實錄洪武八年八月  
降修撰與權爲典籍以不修職也

無錫人○按浙江通志籌於元末舉浙江鄉試第一蓋  
元時浙江路隸常州行省也

是年冬改華蓋殿大學士○按明實錄洪武十五年十

一月始倣宋殿閣之制置大學士官同拜命者宋訥  
吳伯宗吳沈與質共四人

曾魯傳召魯爲總裁官

總裁改修纂

○按明實錄洪武二年

二月命修元史八月史成考是時爲總裁官者宋濂  
王禕魯與汪克寬胡瀚宋禧陶凱陳基趙壘皆在分  
科修纂之列此作總裁官誤

任昂傳又奏毀天下淫祠正祀典稱號○按禮儀志所  
載祀典太祖時應天祀陳喬楊邦乂姚興王鉷成都  
祀李冰文翁張詠均州祀黃霸密縣祀卓茂松江祀  
陸遜陸抗陸凱龍州祀李龍建寧祀謝夷甫彭澤祀  
狄仁傑九江祀李黼安慶祀余闕韓建之李宗可較

此多陳喬楊邦乂姚興王鉷韓建之五人

李原名傳靖江王以大理印行令旨非法爲遠人所輕  
○按諸王表靖江王守謙太祖兄子洪武九年就藩  
桂林尋廢爲庶人七年復爵使居雲南

樂韶鳳傳復起爲祭酒○按列卿記韶鳳以洪武九年  
起國子司業十二年三月陞祭酒

### 列傳第二十五

劉三吾傳授靖江路儒學副提舉○按元之靜江路卽  
宋靜江府元地理志並作靜此作靖互異

劉三吾附傳助復饒州○按元史順帝紀至正十二年  
三月徐壽輝陷饒州次年五月江西行省復之傳所



謂復饒州當指此蓋自十八年以後江西地卽盡爲  
陳友諒所據也

胡大海克休寧○按胡大海克徽州在元至正十七年  
七月見明本紀

安然傳徙居潁川

川改州

○按開國臣傳稱安然徙居潁

州非潁川也明史稿同考潁川卽今許州唐時已改  
安然附傳本後坐事誅○按王本之誅明實錄不載開  
國臣傳但稱其坐極刑亦不言何事

李幹何顯周幹出爲知府○按李幹由四輔官出爲蘇  
州知府後改國子博士兩聘爲考試官見開國臣傳  
非終於知府也

吳伯宗傳名祐○按列卿記載吳伯宗名祐開國臣傳同

辭甚愷切

愷改剗

○按廣韻愷樂也與凱通又玉篇剗切

也二字義各不同剗切之剗應作剗不作愷

吳伯宗附傳洪武四年初科舉取士

三四改

○按本紀洪

武三年五月始命設科取士此作四年誤

明年議秦王喪禮○按亨泰以洪武二十七年由少詹事擢尙書定旌表孝行例至二十八年議秦王喪禮故傳稱明年但前此未經紀年尙欠明晰

命偕御史嚴震直使安南○按震直以洪武二十六年六月拜尙書至十二月降御史其奉使安南在降授

明史紀事本末 卷五  
王  
之後故傳從其後官

吳沈傳日令三人進講經史

三改

○按明實錄載是年

下婺州先辟儒士范祖幹葉儀繼乃令吳沈等十三人日進講經史每日二人此作三人誤

以事降編修○按開國臣傳沈爲待制時以奏對錯誤降編修

居一年降翰林侍書○按列卿記洪武十六年八月庚子沈以進講後期降翰林侍書

桂彥良附傳授左春坊右贊善

右改左

○按百官志左右

春坊各置贊善二員明實錄作左贊善此誤

宋訥傳十八年復開進士科○按本紀洪武四年廷試

貢士六年暫罷科舉察舉賢才十五年始復開科之制至十八年二月乃賜丁顯等進士及第傳云復開進士科蓋指此

助教金文徵等疾訥構之吏部尙書余燠牒令致仕○按開國臣傳載金文徵等誣訥受贓扣剋諸生廩膳故余燠牒令致仕

宋訥附傳金華許謙子也○按金華府志許謙爲存仁之大父此稱謙子互異

僉事程孔昭劾其隱事遂逮死獄中○按程孔昭劾存仁寓杭娶妾以象牙飾牀失師臣體見明史稿卽此所謂隱事也又云詔安置韶州遇赦歸忌者劾存仁

明史五  
不應赦條逮死獄中

與美和同賜歸○按開國臣傳聶鉉由廣宗縣丞改授待制卽以老疾辭不允至洪武十三年始賜歸

趙倣傳於是以翰林院待詔致仕○按職官志待制從五品待詔從九品國子博士從八品倣以博士請告進秩以寵其歸不應轉降其級明史稿作待制較合羅復仁傳已復使擴廓○按明實錄甲辰十二月復遣使以書與擴廓特穆爾以卹鄰通好爲辭考甲辰爲元至正二十四年明兵平陳理卽在是年二月復仁之奉使當在此時

羅復仁附傳永樂二年庶吉士○按是年始選進士爲

庶吉士後遂爲例

列傳第二十六

目錄

周楨

楨改禎  
下同

○按周楨明書開國臣傳俱作周禎明實

錄同

陳修傳擢兵部郎中遷濟南知府○按獻徵錄太祖謂  
兵制之大者唐世府兵之制稍爲近古而未精密乃  
擢修兵部郎中所以任將帥養士卒得內外相維之  
體兵農相資之意遂爲萬世法又云念濟南重經王  
氏之亂民墜塗炭尤甚大將練兵屯田其間非修莫  
可治也遂擢濟南知府

陳修附傳出爲湖廣按察使○按明書太祖命毅與宋濂等日侍左右講說經史甚見眷遇又云尋命毅與李善長劉基陶安周禎等定律令毅在湖廣務存寬大以休養爲急民多宜之

以貢舉歷官吏部文選司主事○按獻徵錄善授吏部主事歷本部員外郎開國臣傳明書皆同

命善署部事再遷至尙書○按開國臣傳太祖命善署本部事在事勤慎稱旨特陞吏部侍郎仍署尙書事欲爲營第於鄉善辭○按開國臣傳太祖欲命工部爲善營第於泰興辭曰江鄉地隘宗親且眾誠不忍奪人以自益也況未報涓埃何敢當此上喜曰有官居

鼎鼐無地起樓臺善與寇準同風矣獻徵錄明書所載俱同

坐事降宣化知縣以終○按開國臣傳及明書獻徵錄俱作二十八年實授尙書二十九年以事免此獨作二十八年降宣化縣知縣與諸書不合至善降官之故諸書及本紀俱不載

經術逾于同○按獻徵錄時方試京闈髦士有司以主文請太祖思琳優於經學遂命琳與司業宋濂柄其事及撤棘眾謂得人

楊思義附傳敏議百一十戶爲里至餘百戶爲十甲○按食貨志詔天下編賦役黃冊以一百十戶爲一里



推丁糧多者十戶爲長餘百戶爲十甲甲凡十人歲役里長一人甲首一人董一里一甲之事甲編爲冊冊首總爲一圖冊凡四一上戶部餘則布政府縣各存一焉上戶部者冊面黃紙故謂之黃冊

周禎傳三年九月召爲御史中丞○按明書及開國臣傳均作二年刑部尙書世家寶坐黜復召禎代三年致仕去此作召爲御史中丞與二書不合

周禎附傳稍遷至磨勘司令○按明書復初遷吉安府通判俗尙譁訐教誡殷勤民不忍梗尋擢磨勘司丞陞爲令

坐事召還○按明書作召還疾卒開國臣傳同俱無坐

事之文史不詳原委而他書亦無可考坐事二字疑誤

薛祥附傳帝以學校爲國儲材至蓋創自達云○按輿服志儒士生員監生巾服洪武三年令士人戴四方平定巾二十三年定儒士生員衣自領至裳去地一寸袖長過手二十四年以士子巾服無異胥吏命工部製式太祖親視三易乃定生員襴衫用玉色布絹爲之寬袖皐緣皐縹軟巾垂帶

唐鐸傳未幾左遷監察御史○按鐸之左遷史不詳其緣何事考今獻備遺名臣實錄均云僚屬罪數連鐸太祖念鐸篤行皆不問明書亦同雖未明指爲左遷

之故或卽其一事歟

開濟傳通曉書義爲一科○按通曉書義今獻備遺名  
臣實錄俱作通曉四書

練達治理爲一科○按練達治理今獻備遺名臣實錄  
俱作曉達治道

下濟獄并希哲衍等皆棄市○按濟之死今獻備遺名  
臣實錄俱作暴卒此獨作棄市或別有所據耶

明史攷證攬逸卷五

明史攷證攢逸卷六

長洲王頌蔚編集

列傳第二十七

韓宜可傳時丞相胡惟庸至尋釋之○按宜可彈劾胡惟庸三人事明書於下獄尋釋之之下敘云三人釋不問然上心善其言疑三人且防之矣後又云十三年寧等皆坐死述敘較爲周密

出爲陝西按察司僉事

陝改江

後坐事將刑御謹身殿親鞫之獲免○按明書開國臣傳俱云坐事將刑正天朗忽震雷繞殿上驚曰非枉此人乎雷卽息趣免

尋以事安置雲南至起雲南參政○按明書開國臣傳俱作謫安南考安南永樂五年始平洪武時不應有安置遷人之事至其薦起雲南參政明書開國臣傳俱作二十三年此獨云惠帝卽位互異

茹太素傳令中書郎王敏誦而聽之○按中書郎明代無此官惟職官志明初承前制設中書省置屬官左右司郎中員外郎或當時統名爲中書郎歟

茹太素附傳召爲思文監丞○按職官志文思院大使隸工部又明初嘗置弘文館學士無思文監丞或開國時設此職其後更定官制遂省之耶

李仕魯傳諸僧怙寵者遂請爲釋氏創立職官○按開

國臣傳云時有僧金碧峯者應對稱旨求爲僧建職  
司授官許之

李仕魯附傳投金水橋下死○按開國臣傳山東張副  
使某不奉敕諭鞭笞內戚上欲處以大辟汶輝力爭  
封還御旨上怒遣御前指揮押赴刑部行經金水橋  
投水死

葉伯巨傳寧海人○按明書作臨海人

已起戶口雖蒙憐恤而猶見留開封○按已起戶口句  
語意不甚明瞭考明書作雖蒙特旨已納稅租之家  
分釋遣還而餘留開封聽候者散漫而不知所向當  
係原疏之文較爲明晰

鄭士利附傳以鄉舉授給事中○按開國臣傳方徵洪武六年進士選入武英殿授給事中此作鄉舉授官不知何據

王朴附傳奏疏愷切

愷改剗

列傳第二十八

魏觀傳五年廷臣薦觀才出知蘇州府○按明書云洪武四年廷試進士觀爲讀卷官得吳伯宗開科之始得人最盛

陶垕仲傳布政使辭大方貪暴至詔垕仲還官○按開國臣傳垕仲還官閩人迎拜爲之語曰陶使再來天有眼辭公不去地無皮獻徵錄同卽閩人愛戴可徵

屋仲治行矣

劉仕貍傳十五年應賢良舉對策稱旨授廣東按察司  
僉事○按開國臣傳獻徵錄作上是仕貍言欲置諸  
近侍會增設風憲分察郡邑授廣東僉事隸以瓊崖  
諸州縣史略此文於前則後之朝議省僉事官無根  
矣

按治蠱殺之

按改暗

渡河遇風歿於水○按開國臣傳仕貍歿水在洪武二  
十三年年五十八有悠然集十卷

劉仕貍附傳洪武末爲廣東參政○按王溥以進士歷  
官見於開國臣傳獻徵錄史略之又考開國臣傳獻



明史紀事本末卷之六  
徵錄俱作洪武二十六年爲廣東參議此作參政不知何據

以誣逮下詔獄○按開國臣傳獻徵錄俱云爲胥吏龐庸誣逮詔獄

王宗顯附傳興宗故隸人也○按興宗史不著其籍考明書蓋江浦隸也

太祖定婺置永康翼○按永康翼兵志不載

尋召爲營田司經歷○按營田司經歷職官志不載或係明初權設之官故志略之耶

一時郡首以治行稱者

首改守

王觀附傳泰和人○按明書楊卓南昌人羅性泰和人

史均以爲泰和人考泰和屬吉安府觀同邑之稱史文不誤

有大盜久不獲○按明書開國臣傳俱云大盜號糟李曾以眾入府治殺郡守劫庫藏

性博學○按明書開國臣傳俱云楊士奇少孤依性居受其教育

多通傳道同

改多通傳中同字均改多通

富民羅氏者納女於亮祖其兄弟因怙勢爲姦○按明書云富民羅氏與亮祖之兄弟善怙勢凌人此云羅氏納女於亮祖羅氏之兄弟因怙勢爲姦豈傳聞異辭耶

亮祖先劾同訕傲無禮狀帝不知其由遂使使誅同○  
按道同既死上頗悔亮祖竟用是得罪至杖死詳明  
書及亮祖傳

盧熙附傳兄熊字公武至後坐累死○按盧熊之死考

明書以簿錄刑人家屬事坐累死先是熊嘗上疏言  
印文譌謬忤旨竟因此得罪

又樂平姦民亦詣闕訴大姓五十餘家謀逆饒州知州  
郎敏力爲奏辨詔誅姦民而被誣者得盡釋知州改知府

○按開國臣傳明書俱云樂平縣民詣闕訴邑大姓  
五十餘家謀逆詔指揮潘某率兵往捕兵至饒敏驚  
曰民素淳朴未必有此吾爲郡守不可使民死無辜

請先往察之既至見民耕牧如常時廉得告者乃無  
賴子素以假貸不得怨諸大姓故重誣冀獲賞敏還  
白潘初不之信自往查視一如其言於是各以家長  
至京辨其誣此敘述未晰豈史以與王士弘倪孟賢  
事相類故於敏獨略耶又按敏史不詳其籍里明書  
開國臣傳俱作濟源人洪武九年陞饒州知府地理  
志無饒州有饒州府此作饒州知州誤

青文勝傳夔州人○按開國臣傳夔州大寧人

敲朴死者相踵

朴改  
扑

列傳第二十九

齊泰傳洪武十七年舉應天鄉試第一明年成進士○

按名臣實錄名臣志鈔俱云泰洪武二十年鄉貢明年舉進士獻徵錄明書皆同史獨作十七年舉鄉試明年成進士考進士題名碑錄齊德更名泰洪武十八年三甲一百名進士與史同但作溧陽人不作溧水

二十八年以兵部郎中擢左侍郎○按名臣實錄獻徵錄俱云三十年陞兵部左侍郎明年進本部尙書明書同惟左侍郎誤作右侍郎此云二十八年擢左侍郎與諸書異

時遺詔諸王臨國中毋奔喪○按明書名臣實錄名臣志鈔獻徵錄俱云燕王入臨至淮安泰請急出符勒

歸國王益恨泰

先是帝爲太孫時諸王多尊屬擁重兵患之至是因密議削藩○按名臣實錄明書俱云泰嘗使北平燕王賄泰泰受歸請爲兵費上益倚重泰

黃子澄傳以字行○按明書子澄以字行改字伯淵會有言周王櫛不法者○按是時告櫛謀不軌者卽櫛子有勦也

方孝孺傳洪武十五年以吳沈揭樞薦召見○按洪武十五年孝孺以吳沈揭樞薦召見名臣實錄名臣志鈔與史同惟明書云洪武十五年濂入京待宴受命作靈芝甘露頌歸醉臥忘之孝孺爲代之濂攜入上

覽曰此非學士筆也濂以實對上曰良勝汝召見試  
以一論五策立成上歎曰異才也賜緋袍腰帶猶平  
巾往見東宮宴禮部則潛使人歆所坐几試之孝孺  
必正席乃坐上喜其端整而嫌其傲明書所載略同  
惟賜宴後作罷歸繼又以吳沈揭樞薦召見與史互  
異

孝孺工文章至故後得行於世○按名臣實錄名臣志  
鈔明書皆云孝孺著有遜志齋集四十卷

世宗時松江人俞斌至言於官乃已○按名臣實錄名  
臣志鈔俱云錄孝孺家時得魏典史澤周旋藏其幼  
子以故孝孺尙有後俞斌之事惟明書與史合

孝孺之死宗族親友前後坐誅者數百人○按名臣實錄名臣志鈔明書明史紀事本末俱云宗族坐死者八百七十三人

方孝孺附傳盧原質鄭公智林嘉猷皆寧海人○按明書盧原質鄭公智作寧海人林嘉猷作臨海人與史稍異惟名臣實錄與此同

與弟原朴等皆被殺○按原朴明書作原林

鄭居貞閩人○按明書居貞初名久成改士恆以字行徽州人從父官閩因家焉

孝孺主應天鄉試所得士有長洲劉政○按明書劉政建文己卯應天鄉試第一考官方孝孺以託孤寄命



明倫彙編 家範典 卷六  
命題得其文驚曰此他日臨大節而不可奪者一時  
稱爲得人

練子寧傳縛子寧至語不遜磔死○按明書子寧被逮  
之前夕以血大書一練字於裙幅令侍媵抱匝歲子  
匿民間得免展轉入閩備保六世孫綺爲新寧陳舉  
掌書記後白當事以幣聘之授衣巾奉先祠萬厓初  
詔錄諸臣後得子寧妾秦氏娠生戍所者曰善慶俾  
主祀

族其家姻親俱戍邊○按明書名臣實錄名臣志鈔明  
史紀事本末諸書俱云死者百五十一人戍邊者數  
百人

練子寧附傳徵不知何許人○按明書名臣實錄明史紀事本末均不詳其邑里但云嘗言耿李諸將失律懷二心

茅大芳傳建文元年遷副都御史○按明書建文元年大芳遷副都御史執法嚴正調吏部左侍郎

額其堂曰希董○按明書大芳正德末祀於鄉郡人侍郎儲罐輯其遺文曰希董集

茅大芳附傳周璿○按明書璿山東諸城縣人

卓敬傳瑞安人○按明書敬瑞安人後徙滄州

他日與同官見

至

已復稱給事中○按改給事中爲元

士又改源士事在洪武二十二年見職官志

卓敬附傳被禽不屈死之○按明書郭任嘉靖中鎮江知府劉儲秀祀之鄉賢祠

陳迪傳以通經薦歷官侍講○按明書名臣實錄俱云十二年薦召爲翰林編修遷侍講

胡閏傳召閏不屈與子傳道俱死○按名臣實錄與此同明書作子傳慶與其族二百十七人皆市斬次子傳福方六歲發鞍轡局明史紀事本末略同惟傳福作戍雲南與明書異

胡閏附傳翔喪服入見語不遜族之○按明書明史紀事本末俱云燕王入京召方孝孺草詔繼召閏及高翔皆衰絰至哭聲徹殿陛太宗召閏先入諭令更服

閏曰死卽死服不可更此云翔喪服入見而不及閏  
草詔事孝孺附傳亦不及閏翔彼此互異

王度附傳又董鏞不知何許人○按明書董鏞長沙人  
金川失守執殺之姻族死戍者二百三十人

### 列傳第三十

鐵鉉傳鄧人○按明書鐵鉉祖父係色目人別居鄧州  
因爲鄧州人

凡三閱月卒固守不能下○按明書云鉉令守陴者羣  
噪罵燕兵攻益急以大礮擊城城且破鉉復多書高  
皇帝神牌懸受擊處遂不敢擊明史紀事本末同  
子福安戍河池○按明書男福安十二編伍河池康安

七歲充匠尋皆戮死妻楊并二女發教坊司楊憂憤死二女終不受辱成祖聞曰渠竟不屈耶出之皆適士人

參軍說鉉直擣北平○按明書名臣實錄俱云宋參軍說鉉曰北兵去濟而南其留守北平者類老弱且永平保定離畔雖郡縣堅守者尙多守臣郭資輩書生不知兵公能出奇兵疾馳真定我諸將潰逸者稍稍收合不數日竟取北平其閒豪傑有聞義而起者便宜部署招徠之北平可破矣破則北兵顧家室必亂勢必散歸徐沛閒素稱驍健若檄諸守臣倡集義勇乘勢晝夜躡之而公館穀北平休養士馬逆其至擊

之彼腹背受敵大難旦夕平耳鉉以軍餉盡於德州城守既久士卒憊甚而南將皆驚材無足恃莫若固守濟南使江淮有備北兵不能越淮歸必道濟吾邀而擊之以逸待勞全勝計也名臣志鈔明史紀事本末俱同

暴昭傳潞州人○按明書獻徵錄俱作浮山人浮山隸平陽不隸潞州又考地理志潞州洪武八年陞潞安府不應仍稱潞州

設北平布政司於眞定昭以尙書掌司事

北平改平燕

○按

明書獻徵錄俱作歷北平布政司參政二十八年陞刑部尙書年分官階俱小異七卿年表與此同

陳性善傳洪武三十年進士○按明書作洪武十八年進士名臣實錄同惟題名碑記作三十年進士與史同考太祖在位三十一年性善以進士授行人司副遷翰林檢討召入便殿繙錄似非一載所歷之事及卽位擢爲禮部侍郎○按性善擢禮部侍郎明書名臣實錄俱作太祖時事

性善盡所言○按明書云問以治天下之要使書以進性善益感知遇盡所欲言上面允行而中多止

陳性善附傳與鎮撫崇剛嬰城堅守○按鎮撫崇剛明書作指揮鄧崇剛與史小異惟名臣實錄亦作崇剛張昺傳累官工部右侍郎○按明書名臣實錄俱作累

官刑部左侍郎

張昺附傳都指揮彭二○按明書彭二逸其名以行稱  
馬宣傳宋忠之趨居庸宣亦自薊州帥師赴北平○按  
本紀馬宣戰死之後燕兵始陷居庸懷來宋忠見執  
前後俱按日編載憲章錄亦同此於克懷來後納張  
王之謀始與宣戰與紀不符

瞿能傳與其子帥精騎千餘攻張掖門○按明書云能  
從李景隆攻北平力戰勢甚銳與其子獨帥精騎千  
餘人殺入彰義門彰義門金之西門元所謂南城也  
今之廣寧門人猶呼爲彰義外城雖建於嘉靖時意  
金城故址在明初猶存史作張掖音轉之訛耳疑卽



彰義

顏伯瑋傳遂命其弟珏子有爲還家侍父○按明書珏脫走濟寧踰日還沛詢邑人知父子屍已爲縣丞胡先蕕瘞乃至徐告守晏璧璧因爲壞傳名臣實錄同顏伯瑋附傳知獻縣○按明書朴本縣獻縣後俱祠祀朴萬厯初奉詔建祠本縣北門外又鄭恕蕭華祀台八忠祠

華謂妻蕭曰吾義必死○按鄭華之妻名臣實錄云華死乃稱病送還家明書獻徵錄俱云以家託其友人無錫丞趙次進其時未同死也

王省傳詔免會試○按太祖本紀選舉志俱云六年二

月諭暫罷科舉察舉賢才與此合

姚善傳敬禮隱士王賓○按明書賓字仲光獨居陋巷善躬往候舍車徒步叩門自稱名延入語盡歡及賓報謁望門再拜而返善自邀還辭非公事不敢入又將候韓奕奕避入太湖善歎曰先生所謂名可聞而面不可見者耶

薦芹於朝署行軍斷事○按職官志祇有五軍斷事之名不載行軍斷事當是一時權設之官非經久制也陳彥回傳依鄉人知縣黃積良冒黃姓○按彥回依黃積良更姓名曰黃禮見明書

授保寧訓導○按明書作保定府學訓導

陳彥回附傳應詔勤王○按明書獻徵錄明史紀事本末俱云彥方糾義起兵一邑嚮應或沮之彥方大哭曰君父在水火吾可以自緩乎

抵湖口被執○按抵湖口被執明書獻徵錄明史紀事本末俱作江口考地里志湖口縣濱臨大江諸書與史當是互舉成文耳

列傳第三十一

王艮傳並授修撰如洪武中故事○按洪武四年雖設進士科未有入翰林者至十八年三月以第一甲丁顯練安黃子澄爲修撰後遂爲例見黃佐翰林記

坐累死獄中○按李貫以解縉獄辭連及瘐死獄中見

解縉傳

程本立傳洪武中旌孝子太祖嘗謂之曰

改善海鹽沈壽康壽康嘗

謂之

○按本立並未舉孝子舉孝子者乃海鹽沈壽

康鄉人稱爲孝隱先生本立與壽康友善壽康因謂之曰學者爭務科舉云云傳脫去壽康誤以本立爲孝子又誤以壽康之言爲太祖今據王世貞別集及周鏞遜國忠記改

黃觀傳故黃氏有後於貴池○按永樂末詔觀親黨有編伍者悉釋之見獻徵錄

王叔英傳慎刑罰○按遜國忠記罰作賞

黃鉞附傳嘗爲監察御史○按鳳韶爲御史時諸王入

明史紀事本末  
十三  
觀有由皇道且不拜者鳳韶侍班言殿下宜盡君臣之禮宮中乃展叔姪之倫由皇道不拜大不敬帝以至親勿問見遜國忠記

陳思賢傳率其徒吳性原

吳改伍

○按遜國忠記及福建

通志俱作伍性原

程通傳程通○按通字彥亨見遜國忠記

程通附傳與兄夷仲

夷仲改見泰

○按惠仲名見恭以字行

前王叔英傳直書見泰則知見泰非若惠仲之以字行矣

坐直書靖難事

靖難改燕兵

○按靖難之名乃永樂君臣掩

飾其稱兵逆跡如當時文牘所載論功紀事及臣工

章疏自當仍從其舊此處乃史傳敘事不應沿其文過之辭謹改訂而識之

高巍傳尙在離閒

在改生

○按王世貞別集作生於義較

順

贊

靖難之役

改燕兵之入

乾隆四十一年賜諡諸臣王良廖昇龔泰周是修黃觀王叔英黃鉞曾鳳韶高巍通諡忠節魏冕鄒瑾程本立陳思賢程通黃希范葉惠仲黃彥清蔡運通諡節愍王良通諡忠烈

明史攷證攬逸卷六

明史攷證攬逸卷七

長洲王頌蔚編集

列傳第三十二

盛庸傳是冬燕兵襲滄州破禽凱○按燕兵之破滄州在建文二年十月見明實錄

王獨以百騎殿退至館陶○按東昌之戰燕王爲庸軍所圍易服而出始得免是爲建文二年十二月乙卯次日丙辰再戰燕師又敗乃退駐館陶見典彙明實錄亦同

庸大敗走還德州○按夾河之敗庸等以屢勝而驕謂必滅燕各攜金銀酒器樂具期至北平張宴至是敗



乃悉爲燕師所得見石匱書明實錄亦同是其致敗有由蓋不獨燕之能力戰也

由盱眙陷揚州

改盱眙

平安傳安遂敗走眞定○按是役也安之敗固由風沙亦由陳暉不遣兵應援所致見獻徵錄

移營靈璧

壁改壁

何福傳自縊死○按何福之自縊在永樂八年八月見明實錄

贊

或身遭俘馘

馘改繫

○按此語指顧成而言俘馘二字未

協

列傳第三十三

姚廣孝傳住持慶壽寺○按慶壽寺又名雙塔寺金章宗時建見春明夢餘錄及帝京景物略後又改名大興隆寺大慈恩寺至明嘉靖初廢其地在西長安街廣孝之居此蓋以其密邇燕邸耳

成祖意欲稍休○按東昌之敗成祖意已悔之廣孝復託讖言有但費兩日之對遂決計力戰蓋成祖天恣堅忍亦廣孝有以贊成之也

仍居慶壽寺○按燕都遊覽志載永樂欲爲廣孝建第力辭仍居慶壽寺後退居天寧寺遂以慶壽寺爲百官習儀之所

訪其友王賓賓亦不見○按明人雜記載廣孝至長洲  
徒步往訪王賓歡若平生賓爲作振災記以鋪陳功  
德明史稿采其說輯入傳中此云賓拒不見所記迥  
然相反豈作記者又一人抑傳聞異詞耶

朱能傳進攻濟南次鏹山鏹改華○按一統志濟南無鏹

山惟元和郡縣志載華不注山一名華山此作鏹蓋

誤頌蔚按陳亨傳與平安戰鏹山鏹亦當改華

邱福附傳初名火里火真火里火真改科里和珍○按科里和珍

後又名火真蓋假火爲姓從漢名也除譯改原名外

後名擬仍其舊

陳亨傳成祖以計紿亨囚萬○按亨本有降燕之意特

以萬在不敢發燕王用反閒計以書貽萬盛稱萬而  
詆亨僞置書降卒衣中使同獲者知之縱還亨發其  
書萬乃坐罪見典彙

列傳第三十四

陳珪傳輔趙王留守北京

趙王改皇長孫

○按本紀永樂八年

北征命夏原吉輔皇長孫留守北京此云趙王未知  
何指考趙王乃高燧封爵永樂七年以其恣行不法  
誅長史褫冠服賴皇太子救始得免安得有留守之  
理當從本紀作皇長孫爲是

鄭亨傳子能嗣○按亨子能嗣爵後坐事命立功邊塞  
至正統六年始復爵見獻徵錄

徐忠傳洪武末鎮開平○按忠字仲達洪武末備禦大  
寧有破鼐爾布哈功見楊士奇所撰神道碑

郭亮傳高中讒罷○按典彙載高守遼東數攻永平燕  
王曰高雖怯行事差密楊文勇而無謀去高文不足  
慮也乃遺二人書盛譽高詆文互易其函投之二人  
各以書聞於朝廷文遂疑高削爵徙廣西傳所言中  
讒蓋指此

張信傳信三造燕邸辭不見○按獻徵錄信三造燕王  
邸不見乃乘婦人輿而入

徐祥傳初仕陳友諒歸太祖於江州○按祥仕陳友諒  
爲萬戶於辛丑降明蓋元至正二十一年也見歸有

光所撰興安伯世家

陳賢傳從征西番雲南北征至捕魚兒海○按賢之征西番從沐英征雲南從傅友德北征從藍玉皆洪武閒事其積官不過百戶則亦僅身在行閒而已見明實錄

陳志傳孫瑛嗣○按勲臣考載志有二子其嗣爵也長子之子瑄與次子之子瑛爭廷臣以瑄適孫當嗣成祖召見令之拈鬪瑛竟得爵

王友傳明年充總兵官帥舟師沿海捕倭

改永樂二年充總兵官帥

舟師捕倭

○按友帥師巡海在永樂二年五月見本紀此

稱明年蓋因友與陳賢同封蒙其傳元年四月之文

也但與賢傳相隔數篇而此傳上文未標永樂年號  
僅云明年義究未協

列傳第三十五

解縉傳洪武二十一年舉進士○按縉與兄綸同舉進  
士時年十四見獻徵錄

尙書沈潛以聞○按獻徵錄以爲潛忌縉才故爲此奏  
卹哈朮來歸欽承顧問謂宜待之有禮○按卹哈朮自  
明初屯金山爲邊患至洪武二十年始降封海西侯  
縉所云待之有禮當指此

因各賜五品服○按職官志翰林學士左右春坊大學  
士俱正五品縉時已遷官不應再賜五品服賜五品

服當在官侍讀時明制講讀俱六品也此追敘其初入閣時耳

仁宗卽位至詔歸縉妻子宗族○按洪熙旣歸縉妻子并官其子禎亮中書舍人見明實錄

黃淮傳字宗豫○按陳敬宗撰淮墓銘稱淮字崇豫淮及楊溥金問皆坐繫○按明實錄載是年閏九月成祖旣怒太子遣使遲緩徵東宮官屬淮於初四日先抵行在後二日楊士奇金問至成祖始欲宥士奇九卿交章言之遂俱下獄未幾士奇復職又逮楊溥芮善

金幼孜傳顧三學士曰汝三人及蹇夏二尙書皆先帝



舊臣○按明實錄仁宗嘗賜幼孜楊士奇楊榮三學士及蹇義夏原吉二尙書五人繩愆糾謬銀章有所陳奏則鈐用之頌蔚按賜繩愆糾謬銀章見蹇義夏原吉楊士奇等傳惟士奇傳祇稱與同官楊榮金幼孜並賜而不及義原吉榮傳但云賜銀章五而不言繩愆糾謬皆不如明實錄所載之詳也

家人囑請身後恩不聽○按幼孜有子昭德宣德中進士

胡儼傳洪武中以舉人授華亭教諭○按儼以洪武丁卯舉人中次年會試副榜授教諭見黃佐所撰傳

贊

胡廣金幼孜勞著扈從

刪胡廣二字

固非僅以文字翰墨爲勲績已也

已上增而字已下刪也字增惟廣大節有

虧能無媿於同列歟十三字

○按胡廣名位雖與諸人同而呼豬一事事實虧大節此於廣不加貶詞殊非史體

### 列傳第三十六

楊士奇傳早孤隨母適羅氏已而復宗○按士奇又字僑仲其隨母適羅氏也年甫六歲見其家歲時祭祀不令陪禮問之母悉其故卽私於室祀先世羅家人密窺之見其拜俯感泣如成人遂命復姓楊氏見陳賞所撰東里先生小傳

遂下錦衣衛獄旬日而釋○按明實錄士奇以永樂二十年九月壬戌逮繫以癸酉復職計十二日

正固不二

正改貞

○按明實錄正作貞

榮力贊決

至

何謂無辭

改楊榮力贊之因傳旨令士奇草敕詰趙王士奇曰事當有實

天地鬼神可欺乎榮厲聲曰汝欲撓大計耶

士奇繼之

士奇改二人

○按獻徵錄載是時楊榮傳旨命士

奇草敕詰趙王惟楊溥與士奇意合約同力諫榮已先入二人乃繼之閤者不納敘述甚詳此既未敘明傳旨事又云榮先入士奇繼之而不及溥於當日情事未能明晰

於是發使奉書至趙○按是時奉使者爲廣平侯裴容都御史劉觀

廉能冠天下爲世名臣云○按東里先生小傳載士奇

弱冠時曾攝琴江教事時縣有獲僞鈔者令疑其僞造榜掠備至不伏士奇問裝中尙有真鈔乎曰有之士奇曰山谷人不辨真僞邂逅售得之乃欲重治其罪不可令遂釋之其人懷白金五十兩夜詣謝士奇厲聲斥去焉事雖小其建立大節已兆於此

楊榮傳逃赤斤蒙古

古下增衛字

○按赤斤蒙古衛洪武時

置此脫衛字是以地名爲部名矣

榮與幼孜陳便宜十事○按榮所陳便宜十事獻徵錄亦未詳載何事考明本紀有罷不急諸務及蠲十七年以前逋賦免去年被災田糧或卽榮所奏也

又明年復從北征○按永樂二十一年也先土干之降

明史攷證  
亦榮所預謀見榮墓誌

劉觀之免戍邊皆賴其力

免戍邊改從輕典

○按劉觀傳觀因

私納賄賂御史交章劾之并其子輻諸不法事宣宗怒將置重典榮與楊士奇乞貸其死因謫輻戍遼東而命觀隨往是無戍名而有其實此云免戍邊未的

明史攷證牆逸卷七

明史攷證攬逸卷八

長洲王頌蔚編集

列傳第三十七

蹇義傳義視原吉尤重厚○按永樂中上與學士解縉論羣臣御筆書蹇義等數人命以實對縉謂義其資厚重而中無定見翰林記

宣宗卽位○按宣德初議棄交趾擇使交趾者義薦伏伯安口辨夏原吉楊士奇曰使臣奉命以忠信恃口辨必辱國竟罷伯安弗遣義亦不復言見楊士奇傳及翰林記

夏原吉傳召原吉繫之內官監○按成祖命錦衣召原

吉回使至原吉方起厰理儲錦衣促之原吉曰姑俟  
畢此不然恐有侵耗吾罪卽不測不以累公及至上  
問北征得失原吉對如初備言自古不勤遠略之意  
命繫內官監又命中使覘之因問上待公厚今繫之  
暴亦有怨乎原吉曰風雨霜露無非教也何敢怨見  
明史紀事本末及獻徵錄

以原吉爲首○按漢王移檄以原吉格蠲逋詔書不行  
爲罪首原吉見帝免冠謝罪帝曰彼借卿爲兵端耳  
及從征樂安漢王且降猶令人繞城詈原吉見漢王  
高煦傳及原吉別傳

夏原吉附傳還上聖孝瑞應頌○按士吉自上頌後尋

出知襄陽府秩滿遷山東參政洪熙改元入覲帝欲授以清要吏部擬太常卿帝曰渠是秀才可擢詹事宣德初改南京刑部侍郎五年爲御史成楷劾其怠縱命致仕見明實錄及趙玘等傳

後坐事謫遼東○按文郁於洪武中由歲貢爲行人永樂初超授通政參議擢戶部侍郎其戍遼東也坐太廟失陪祀見明實錄

列傳第三十八

目錄

向寶

寶改

○按七卿表作向瑤

趙玘傳遷浙江參政○按玘參政浙江時于謙方弱齡



明倫彙編 家範典 卷八  
玃深器重之所以獎許甚至見于謙文集

擢刑部侍郎○按玃爲侍郎時有人犯大辟死獄中實閉氣也越四十年玃爲司寇其人復犯法玃一見呼其姓名曰汝非曩死獄中者耶訊之伏辜人以爲神見李濂所撰傳

金忠傳進兵部尙書○按忠微時里人有數窘辱之者及爲尙書其人由吏來京師懼不爲容忠薦用之或曰彼不於公有憾乎忠曰顧其才可用奈何以私故掩人之長見楊士奇東里集

子達翰林檢討○按達廕檢討以乏文學賜歸依親讀書正統末改給事中見翰林記

李慶傳仁宗立○按仁宗嘗諭慶曰庶官賢否軍民休戚所係唐太宗書刺史之名朝夕省覽皇考亦嘗書中外官姓名於武英殿南廊今都布按司朕旣不盡悉其人又不悉其姓名誰肯自戒爾爲朕具書各官姓名於奉天門之西序見獻徵錄

陳壽傳洪武中由國子生授戶部主事○按獻徵錄言壽於永樂初舉鄉貢下第入太學授戶部主事與此異

劉季篴傳命姚廣孝解縉及季篴總其事

解縉改鄭賜

○按

永樂三年監修大典爲姚廣孝鄭賜而以季篴副之六年賜卒以贊善梁潛代見梁潛傳及獻徵錄翰林

明史紀事本末  
記諸書是解縉並未監修也

楊砥傳遷北京行太僕寺卿○按永樂初設北京苑馬寺領六監二十四苑至十八年裁寺馬併歸行太僕寺砥以十年陞太僕明年兼苑馬寺見獻徵錄

虞謙傳巡視淮鳳抵陳州災傷

抵改及

○按明實錄永樂

八年正月皇太子以去年江北水患遣虞謙及戶科給事中杜欽往揚州淮安鳳陽直抵陳州視軍民疾苦悉免其年被災田租有典賣子女者官爲贖還

嘗應詔上言七事○按謙所奏七事曰慎用人興學校端風憲廣儲蓄惜民力通貨財治姦宄並議行之見明史紀事本末

列傳第三十九

茹瑺傳瑺首勸進○按瑺以推戴功加號奉天翊運守  
正大臣

嚴震直傳又增高中江石隄至漕運悉通○按河渠志

興安有江源出海陽山江中橫築石埭分南北渠溉  
民田甚溥埭上壘石如鱗以防衝溢震直撤石增埭  
水迫無所洩衝塘岸盡趨北渠南渠淺澀民遂失利  
因於永樂二年仍復舊制則震直所修未必盡善也

建文中嘗督餉山東已而致仕改建文初以年老致仕留住京師○按

震直歷工部尙書洪武三十一年春致仕建文初帝  
念其任事久留住京師考震直所著遣興集中有讌

集賜第之葵心堂詩乃是年三月十五日事分韻者  
爲學士董倫等十一人高太常遜志詩云偉哉尙書  
公致政鳴珂里鄭庶子濟詩云尙書遂休致賜第居  
京洛黃侍郎福詩云挂冠神武門賜第留京師確有  
可證考之茹瑺所撰神道碑無異而續藏書謂尙書  
歸老在里成祖以兩馬夾袋舁至京致身錄又稱靖  
難兵起督餉山東皆妄也今此傳仍致身錄之誤據  
靜志居詩話改

張統傳召爲吏部尙書○按惠帝時統爲吏部王景亦  
召入翰林修太祖實錄以統薦累進禮部侍郎兼翰  
林侍講成祖問葬建文禮景言宜用天子禮從之見

遜國忠記

妻子相率投池中

改或云妻  
子亦投水

○按西樵野記統爲廣東

布政使成祖登極召回自投鍾山龍潭下妻妾子女  
皆隨之遜國忠記引喬世寧耀州志言統自經吏部  
後堂而無投淵之說且言統有子三人敵豆簠敵後  
以瓊材官四川按察使經歷亦無入水之事喬世寧  
爲統鄉人其言似亦有據未可專從野記直斷爲投  
池也

王鈍傳元末猗氏縣尹○按鈍舉元至正間進士見獻  
徵錄

郭資傳郭資○按資字存性見獻徵錄

資主給軍餉○按成祖在藩邸時資有所言無不聽納  
及兵起資撫輯兵民供給糧餉百費所需未嘗乏誤  
帝嘗以蕭何擬之見楊榮所撰神道碑

呂震傳震壻主事張鶴○按蹇義傳作張鵬

李至剛傳名銅改名○按翰林記及楊士奇所撰墓表

並作銅此誤

舉明經

明經改孝廉

○按選舉志太祖時徵薦各科並無明

經之目而陶宗儀南村集有送李孝廉至剛之京詩  
則至剛舉孝廉非明經也此誤

吳中傳復其官○按中由刑部下獄仁宗卽位以八月  
復中刑部十一月改工部故有以官木石遺中官之

事見明實錄

劉觀傳不宜遽折辱

刪遽字

特賜書諭太子

刪特字

討涼州叛羌

州下增永昌二字

○按永樂八年涼州永昌二衛

叛二衛俱屬陝西行都指揮使司所轄同時並叛今傳但言涼州叛羌而七卿表云征永昌叛寇彼此互見各遺其一

列傳第四十

董倫傳恩人○按傳維鱗明書倫宛平人其先爲恩縣人今獻備遺同史止作恩人但指其舊貫言耳

出爲河南左參議○按今獻備遺與此同傳維鱗明書



作左參政

坐事謫雲南教官○按傳維鱗明書今獻備遺俱云註  
誤免官典教滇南

儀智傳贈太子少保○按傳維鱗明書鄧元錫明書今  
獻備遺俱作贈太子少師

儀智附傳宣宗卽位以侍郎戴綸薦授行在禮科給事  
中○按儀銘授官傳維鱗明書鄧元錫明書俱作舉  
經明行脩又按明書今獻備遺俱作洪熙時爲行在  
禮部給事中與此互異

帝念智舊勞改銘修撰○按傳維鱗明書今獻備遺俱  
云內府校書改編修

民凍餓死相枕

死下增者字  
枕下增藉字

鄒濟傳永樂初預修太祖實錄成除禮部郎中○按傳  
維鱗明書云陞禮部郎中已而修永樂大典諸儒臣  
推總裁楊士奇所撰墓誌云修永樂大典以五人總  
裁而濟與焉

再遷左春坊左庶子○按傳維鱗明書坐事改考功郎  
中仁宗留守南京擇宮僚改左庶子

鄒濟附傳坐累死○按善述之死史不詳其坐累之由  
考本紀云黃儼復譖太子擅赦罪人宮僚多坐死者  
鄧元錫明書云監國時宮僚以潛故得罪獄死者徐  
善述王汝玉馬京梁潛周冕則善述因被潛連坐而

死無疑

羣臣應制撰神龜賦汝玉第一○按獻徵錄汝玉文兼古今體賦尤瞻麗詩語雋永得唐人風格所著有青城山人集

陳濟傳爲文根據經史不事葩藻○按獻徵錄濟所著有綱目集覽正誤若干卷文集若干卷

王英傳累進右春坊大學士○按傳維鱗明書成祖謂太子命英與諸大臣定喪禮議國事宿內閣凡七日進禮部侍郎八年命理部事○按傳維鱗明書英陞禮部左侍郎兼侍講學士正統八年出理部事蓋英自書機密文字歷遷學士雖佐春官仍充內職至此始

去翰林治部事與庶僚等未始非三楊扼之也略兼侍講學士之事則下文命理部事不明

諡文安○按名臣實錄英初諡文安改諡文忠史但指其初諡言耳

錢習禮傳以故鴻臚寺爲翰林院落成至後遂爲故事

○按詞林典故正統七年掌院事學士錢習禮不設西楊南楊公座曰此非三公府也至期二楊以聞乃命工部具椅案禮部尙書胡濙定位次左設大學士三座學士一座而讀講學士東西對列

周敘附傳劉儼○按儼屢與修五倫書君鑒書修寰宇通志爲副總裁復領續宋元通鑑綱目屢有賜賚

柯潛傳英宗實錄成進少詹事○按修英宗實錄之前  
凡歷代君鑒寰宇通志玉牒諸書潛皆預修焉累賜  
白金文綺後以古文詞教庶吉士李東陽等又教庶  
吉士林瀚等典應天順天鄉試兩典會試見獻徵錄  
爲學士時至翰林中以爲美談云○按詞林典故翰林  
院劉井學士劉定之所浚在公署後堂之左柯亭學  
士柯潛所建在公署後堂之右後堂有二柏亦潛所  
種又云潛旣總院事就翰林後圃結清風亭亭下鑿  
池蒔蓮決渠引泉公退偃坐其中翛然眞若登瀛洲  
者

孔公恂傳上章言兵事諸武臣譁然○按獻徵錄云令

撫寧侯朱永出征公恂上章留之言永當時武臣一人而已爲眾所嫉被劾

列傳第四十一

宋禮傳歷入遞運所民苦其勞○按明史紀事本末云於陸路置入遞運所每所用民丁三千車二百輛歲久民困其役

乃用汶上老人白英策至使無南入洸而北歸海○按獻徵錄云乃築壩於戴村遏汶勿東流盡出於南旺此云使無南入洸北歸海河渠志則云遏汶使無入洸彼此詳略互異

匯諸泉之水至而達於淮○按河渠志云自南旺分水

北至臨清三百里爲閘二十有一南至鎮口三百九  
十里爲閘二十有七又云禮用白英策築壩遏汶盡  
出南旺南北置閘三十八傳維鱗明書名臣實錄則  
云禮修復會通河置十五閘諸說不符惟獻徵錄與  
此同河渠志後一說當是總計之數亦不甚異

二十旬而工成○按傳維鱗明書名臣實錄俱云工十  
旬與此異

又奏濬沙河入馬常泊以益汶○按河渠志禮又請疏  
東平東境沙河淤沙三里築堰障之合馬常泊之流  
入會通濟運又於汶上東平濟寧沛縣並湖地設水  
櫃陡門在漕河西者曰水櫃東者曰陡門櫃以蓄泉

門以洩漲

還京師○按獻徵錄禮還京上嘉勞賜寶鏹二百錠文  
繡二襲

以御史許堪言衛河水患命禮往經畫○按洩衛河至  
海豐傳維鱗明書名臣實錄俱云凡四百五十七里  
役夫三千工一旬此亦禮易於集事之證此但云帝  
命俟秋成後爲之而不言工成

弘治中主事王寵始請立祠詔祀之南旺湖上○按名  
臣實錄云正德七年禮始賜祠祀會通河上與此互  
異

宋禮附傳則殺水固隄之長築也

築改策

○按明史稿作



長策

陳瑄傳瑄言嘉定瀕海地至賜名寶山○按地理志嘉定條下祇載寶山守禦千戶所不詳寶山所由名仍以瑄董漕運議造淺船二千餘艘○按河渠志瑄於湖廣江西造平底淺船三千艘明史紀事本末同此作二千餘艘約略之詞耳

瑄用故老言自淮安城西管家湖鑿渠二十里爲清江浦○按河渠志云瑄乃鑿清江浦導水由管家湖入鴨陳口達淮獻徵錄明史紀事本末俱同此云自淮安城西管家湖鑿渠二十里爲清江浦導河水入淮似不及志之明晰況清江浦自昔有之而此以爲自

管家湖鑿渠爲清江浦似清江爲新增之浦竟屬管家湖之分派矣

又以呂梁洪險惡於西別鑿一渠置二閘○按移風清江福興新莊四閘之名見河渠志惟此所云呂梁洪西渠之二閘不見諸書

身理漕河者三十年舉無遺策○按河渠志並濬儀真瓜州河以通江湖獻徵錄明史紀事本末作通潮

周忱傳選庶吉士至忱自陳年少乞預○按靜志居詩話進士改庶常相傳自永樂甲申始是科命解學士縉選得二十八人以應列宿忱自陳年少乞讀書中祕時人謂之挨宿

明倫彙編  
七  
忱有經世才○按今獻備遺云忱預修永樂大典五經四書性理大全諸書史俱不載豈因忱以經濟著而略其文學耶

忱乃與知府況鍾曲算累月○按徐岳數術記遺了算之法一位爲一了字其了有三曲其下股之末內主一外主九下次第一曲內主二外主八當第二曲內主三外主七其第三曲內主四外主六當了字之首則主五故首惟秉五腹背兩兼此卽曲算法也

減至七十二萬餘石○按今獻備遺名臣志鈔傅維麟明書俱作蘇稅額二百九十餘萬石忱與況鍾疏減八十餘萬與史不符

忱與平江伯陳瑄議至漕軍運抵通州○按民運兌運之制食貨志與此同但志祇言陳瑄不及忱詳略少異耳

民間馬草至南京則輕齎卽地買納○按上文云馬草歲運兩京下祇云南京卽地買納而遺北京考傅維鱗鄧元錫明書今獻備遺名臣志鈔俱云請北於通州草場立官庫每束折銀三分

令且沃錫數日畢辦○按傅維鱗明書云造上明盔者須水磨非遲數月不可忱令且沃錫旬日畢辦名臣志鈔同

明史攷證攢逸卷八

明史攷證攬逸卷九

長洲王頌蔚編集

列傳第四十二

張輔傳帥豐城侯李彬等十八將軍○按十八將軍諸書俱不詳載惟明史紀事本末云以成國公朱能爲大將軍西平侯沐晟新城侯張輔爲左右副將軍豐城侯李彬雲陽伯陳旭爲左右參將大將軍率右副將軍右參將及清遠伯王友神機將軍程寬朱貴遊擊將軍毛八丹朱廣王恕等橫海將軍魯麟王玉商鵬鷹揚將軍呂毅朱吳江浩方政驃騎將軍朱榮金銘吳旺劉劄出等二十五將軍

明史紀事本末卷一百一十五  
兵眾七百萬○按明史紀事本末作二百萬

令都督黃中等將死士○按名臣志鈔云輔乃懸重賞募死士此作將死士遺懸賞購募之舉

斬其帥二人○按賊帥二人名梁民獻伯樂見明史紀事本末

悉破籌江因枚萬劫普賴諸寨○按明史紀事本末云張輔沐晟等襲賊籌江棚大破之又追敗賊於萬劫江普賴山此概以寨名之當屬統稱耳

禽其將校百餘人○按明史紀事本末作殺其將阮子仁黃老岡百餘人獻徵錄作禽其黨黃老綱彤文傑馮宗實莫鐵范鞋阮利百餘人

獲季犛及其子蒼並僞太子○按僞太子名蒨見明史紀事本末識大錄

安南平得府州四十八縣一百八十○按明史紀事本末云分十七府曰交州北江諒江三江建平新安建昌奉化清化宣化太原鎮蠻諒山新平義安順化升華四十七州一百五十七縣衛十一所三名臣志鈔識大錄弇州史料所紀府州縣之目並同第不載府名耳安南傳則作十五府分轄三十六州一百八十一縣府名無宣化太原升華有演州而宣化太原與嘉興歸化廣威則作五直隸州分轄二十九縣又陶季容爲宣化府同知則宣化固府也此作得府州四



十八縣一百八十與諸書俱不符惟名臣實錄今獻  
備遺獻徵錄均與此同傳維鱗明書則作得郡縣一  
百三十四尤混淆無別

戶三百十二萬○按戶三百十二萬弇州史料傳維鱗  
明書均與此同明史紀事本末云安撫人民三百二  
十萬獲蠻人二百八萬七千五百安南傳略同惟二  
十萬作十二萬當屬字之顛倒耳

遂設交趾布政使以其地內屬○按安南傳輔還上交  
趾地圖東西一千七百里南北二千八百里

其年冬陳氏故臣簡定復叛○按簡定稱日南王僭號  
大越改元興慶雜見於弇州史料明史紀事本末名

臣志鈔獻徵錄安南傳諸書後定自稱上皇立季擴爲大越皇帝改元重光此并爲一敘次未晰

時簡定已僭稱越上皇別立陳季擴爲皇○按明史紀事本末云季擴蠻人自稱陳氏後弇州史料識大錄俱以爲簡定從子

禽賊帥二百餘人○按明史紀事本末作潘坻等二百餘人

前後建置郡邑及增設驛傳遞運規畫甚備○按獻徵錄載輔言自欽州天涯驛經貓尾港至涌淪佛淘從萬寧縣抵交阯多由水道陸行止二百九十一里宜置水馬驛傳以便往來於是命防城等處設九水驛

龍門等處設二馬驛寧越等處設七遞運所佛淘設  
巡檢司改交趾嘉林縣爲嘉林馬驛交州府瀘江欽  
州天涯俱爲水馬驛廣西橫州州門水驛隸南寧府  
皆如輔所請

都御史顧佐請保全功臣○按輔之解兵柄以都御史  
顧佐請保全功臣之奏事在宣德四年見明實錄

子懋九歲嗣公○按傅維鱗明書云長子忠勳衛病忠  
庶子傑乞嗣弟文安伯輒太平侯輒言傑本忠婢子  
不可嗣景泰五年庶子懋嗣公侯簿同但簿云張輔  
庶男張懋見年十一歲應襲奏奉欽依張忠旣殘疾  
其子來歷不明著張懋襲爵又考公侯簿作本年明

書作五年公侯簿作十一歲此作九歲互有異同

黃福傳改北京行部尙書○按行部尙書名臣實錄鄧元錫明書均與此同今獻備遺作刑部尙書考職官志永樂元年置北京行部尙書二人福之拜官正當其時今獻備遺作刑部誤

參贊南京守備襄城伯李隆機務○按名臣實錄云福每事先籌定付襄城伯襄城伯亦敬信福比視事皆襄城伯處分福不出一語或以爲言福曰汝見守備何嘗一事錯鄧元錫明書略同

厯事六朝多所建白○按名臣實錄時以福議復設提學憲臣

所得俸祿惟待賓客周匱乏而已○按名臣實錄鄧元錫明書俱云俸賜分贍姻族屬纊之日室無百緡

陳治傳中官馬騏貪暴○按明史紀事本末云騏定歲貢扇萬柄翠羽萬箇騏墨而殘交人苦之

宜駐師覘賊○按今獻備遺明史紀事本末云請駐師石室縣之沙河以覘賊强弱

陳治附傳土兵二千人○按傳維鱗明書明史紀事本末俱作二萬人

子輔與守將集兵民死守○按明史紀事本末云子輔死軍民俱力鬪盡無一人降者

二人瞋目怒罵不屈並忠子皆被害○按傳維鱗明書

云且鋸忠忠瞋目視賊大罵曰我天朝臣子恨不斬汝以歸報朝廷肯從汝求生耶罵不絕口乃從容賦詩而死

周安○按傳維鱗明書作劉安事跡厯官俱同惟明史藁作周安

李彬傳以邱福議封豐城侯○按傳維鱗明書云護孝仁皇后至京明年封豐城侯此作以邱福議封侯未知何據

清化府土巡檢黎利反○按明史紀事本末云清化府俄樂縣土官巡檢黎利初從陳季擴充僞金吾將軍後束身歸降以爲巡檢然中懷反側至是反僭稱平

定王識大錄同

潘僚者又安土知府也爲中官馬騏所虐反衙儀○按潘僚之叛識大錄云又安土指揮路文律從之

范玉者塗山寺僧也反東潮州○按識大錄云妖僧范玉自言天降劍印令爲安南國主亦僭稱羅平王反塗山

柳升傳妖婦唐賽兒反至摧辱之○按明史紀事本末云行在刑部尙書吳中等劾奏柳升賊臨境不設備都指揮劉忠身先軍士幾破賊壘升忌其功不救致忠力盡而斃賊遂遁去及備倭指揮衛青聞賊圍安止急躬率所部兵晝夜兼行遂敗賊眾後三日升始

至反忌青功故行摧折

慶强起告升升不爲意○按明史紀事本末云梁銘李慶曰主帥氣甚驕兵累日不得休困罷而少斥堠不據險握重而欲急發卒如敵伏何較此爲詳然作銘慶語與史小異

王通傳斬其司空丁禮以下萬餘級○按明史紀事本末作司空丁禮司徒黎彥此略其一

利乞和通以聞○按明史紀事本末云王通自寧橋之敗氣大沮喪雖獲城下一勝而志不固且意柳升師雖出道路多梗黎利旣求和不如徇其所請按察司楊時習曰奉命征討乃與賊和棄地旋師何以逃罪



通厲聲叱之曰非常之事非常人能之

列傳第四十三

宋晟傳坐法降涼州衛指揮使○按晟降涼州指揮史不詳坐法原委考獻徵錄但云十二年掌涼州衛不言降官

仍鎮涼州○按傳後云晟四鎮涼州而傳中歷敘官闕鎮涼州者僅二考獻徵錄云十五年父病召還侍又三年父歿復鎮涼州此時始載討叛事後又云召還京獎諭再四賜賚甚厚復鎮涼州至十九年召還始陞右軍都督合前後計之鎮涼州者凡四史漏中二事與前後文不合

辭祿傳行六軍中呼曰辭六○按傳維鱗明書祿初名貴

祿千一百石○按獻徵錄傳維鱗明書俱作千五百石此作千一百石與名臣實錄同

遇敵於鳳皇嶺○按鳳皇嶺獻徵錄作奇黃嶺名臣實錄與此同

劉榮傳請於金縷島西北望海塢築城堡○按地理志金縷島在遼東金州衛東南又東南有望海塢至下文馬雄島櫻桃園俱不見地理志

斬首千餘級生禽百三十人○按傳維鱗明書作斬首七百四十二捕生八百五十七

朱榮傳僅擢右都督○按張輔傳稱榮驃騎將軍

修忙牛嶺兔毛河赤山榆楊口來勝諸城○按地理志大同有兔毛川赤兒山此作兔毛河赤山彼此小異忙牛嶺榆楊口來勝不見地理志

祿千二百石○按傅維鱗明書作二千石

費獻傳遇賊於雙城至追奔至黑魚海○按雙城黑魚海俱不見地理志惟有黑河在鎮番衛西或卽黑魚海之別名歟

譚廣傳大小百餘戰未嘗挫衄○按獻徵錄云廣初所統神機兵鮮明晃耀進止有度望者皆曰譚家馬也上有所指揮亦曰譚家馬至敵人相戒亦曰毋犯譚

家馬迄今猶以爲號所得祿賜不以私嘗出爲學舍  
浮屠老子宮之用

蔣貴傳平龍谿等三十七寨斬首一千七百級○按獻  
徵錄云乃大閱士連破黑號等四十餘寨斬首千五  
百級生禽稱是

謀報敵駐賀蘭山○按地里志賀蘭山在寧夏衛西

與王驥討思任發子思機發攻破其寨○按獻徵錄云  
賊父子既遁於緬甸八年命貴與尙書下緬取賊時  
緬人數報送至而潛以金樓船載賊離五十里而不  
至尙書謂蔣貴曰此給我也過江則絕我歸路矣於  
是誘緬人聽賞則往焚其舟大戰一晝夜賊首已先

遁去賊子思機發在孟牙亦遁去盡俘其妻孥以還  
破其賊寨二百餘處熨夷遂平

加歲祿五百石○按獻徵錄作二百石

趙輔傳封武靖伯○按封爵當載食祿之數武靖之封  
不言食祿下文減祿二百石便無根據考傳維鱗明  
書云食祿千二百石

劉聚傳論功進左都督以內援特封寧晉伯

論上加七年二字

○按聚封伯事在七年見傳維鱗明書又按聚封伯  
食祿千石亦見明書

#### 列傳第四十四

吳允誠附傳命答蘭更名克忠襲其爵○按傳維鱗明

書云子伯克嗣伯賜名克忠此作答蘭互異

吳成附傳金順○按金順傳維鱗明書作衛拉特人

金忠傳封忠勇王○按傳維鱗明書云歲祿千石

並支二俸○按傳維鱗明書云仁宗諭蹇義曰朕嗣位  
文武大臣進官忠得無冀恩澤亦以慰其心耳義對  
曰北人降附者眾皆視朝廷待忠何如聖慮及此柔  
遠之道也

帝曰去留任所欲耳朕有天下獨少此二人耶○按傳  
維鱗明書云或言忠去必不返上曰朕推心待人何  
疑於忠同此覆載任渠去留竟與兵數千遣去數日  
俘斬敵人及畜產以歸上大喜曰忠朕之金日磾也

與此小異

毛勝傳封南寧伯○按傅維鱗明書云食祿千石

諡莊毅○按傅維鱗明書諡忠壯

焦禮傳備禦遼東○按李賢所撰神道碑云宣德初以遼東密邇諸番命禮往守適與敵遇禮當陣生致賊酋餘皆潰散陞指揮使辛卯邊將以禮才堪御眾薦陞都指揮僉事壬辰以征哨功進都指揮同知威名大振正統辛酉用都督曹儀薦陞都指揮使壬戌海西寇邊禮率兵禦之獲士馬甚眾辛亥命守寧遠乙丑以守邊功進左軍都督仍守寧遠丁卯襲敗賊于境外以奇功陞都督同知資白金綵幣

景泰四年賊二千餘騎犯興水堡禮擊走之○按李賢所撰神道碑云景泰甲戌禮復率兵北討生致渠魁一人獲牛馬尤眾進左都督考景泰五年歲在甲戌史於禮進左都督之事云在景泰四年且以爲擊賊興水堡而傳維鱗明書又云景泰元年破敵小團山斬獲數千彼此互異

封東寧伯○按傳維鱗明書獻徵錄明臣世表俱云食祿千二百石

毛忠傳九年出託歡山十年征黑山寇皆禽其酋○按託歡山禽賊首旺札勒特穆爾陞本衛指揮僉事黑山禽都爾伯台陞指揮同知見獻徵錄



侍郎李實使漠北至景帝不許○按獻徵錄云甘之內  
外守臣及其邊人俱爲忠訟朝廷亦知其僞置之不  
問

遂封伏羌伯○按獻徵錄傳維鱗明書俱云食祿一千  
石

和勇傳召督効勇營訓練○按典彙云成化二年十二  
月復立十二營凡十二萬人曰奮武躍武練武顯武  
敢勇果勇効勇鼓勇立威伸威揚威振威十二營內  
各分五軍三千統騎兵神機統火器兵志略同志又  
云命侯十二人掌之團營之法又稍變

特封靖安伯○按傳維鱗明書云食祿千一百石

羅秉忠傳封順義伯○按傳維鱗明書云食祿千一百石

贊

明興諸番部

番部改蒙古

○按番部之稱殊爲率混直稱蒙

古方合史家紀實之體

列傳第四十五

金純傳九年命與宋禮同治會通河○按永樂九年與純同治會通河者尙有都統周長見明實錄

鄭辰傳谷庶人謀不軌○按明實錄谷王橧之廢在永樂十五年二月此類敘於四年之後

正統元年

元改二

○按辰之奉命振饑在正統二年六月

見明英宗本紀此作元年誤

楊鼎傳陝西外患四寇

四改西

○按是時爲陝西邊患者

阿勒台多爾濟巴勒而已無所謂四寇考獻徵錄作

西寇於當日時事較合

胡拱辰傳拱辰言於總兵官方瑛遣將禽之

總兵官改都督將下

增往字

○按方瑛禽叛苗在景泰三年十一月見本紀

但是時瑛爲都督至七年十一月討湖廣叛苗始加

平蠻將軍充總兵官

潘榮傳犒師廣東還除吏科給事中景泰初疏論停起

復抑奔競數事

景泰初三字移犒師之上

○按本紀廣東黃蕭養

之亂在正統十三年八月維時天順已爲瓦剌所獲

至景泰元年五月都督同知董興始擊滅之榮之犒師當在是時則非正統閒事矣

列傳第四十六

黃宗載傳徵兵湖廣○按是時徵兵湖廣者爲都指揮吳玉見獻徵錄

出按交趾○按宗載按交趾時交趾軍房舊覆茅多火宗載乃節官瓦以易之患遂息見王直所撰神道碑顧佐傳佐上章致仕去○按是時陝西布政使周景姦贓無度佐累置之法帝累釋之佐遂以風疾乞歸見列卿記

顧佐附傳授御史○按邵珥爲御史嘗巡按江西廣東

福建擢江西按察使任五年以憂歸後復爲福建按察使見楊榮所撰墓志

歷官大理寺右少卿○按升初授四川青神巫山知縣有賢名永樂初擢江西按察司僉事改吏部郎中任六年其擢大理少卿則憲義所薦見獻徵錄

段民傳九年二月卒於官○按民居刑部時偶得寒疾小差卽欲視事左右沮之民曰數百人困獄中跂而待我奈何自緩強出而疾劇遂卒見楊士奇所撰墓志

段民附傳衢州人

改開化人

○按一統志及進士題名錄吾

紳衢州開化人

官刑部主事○按紳由進士改庶吉士因與同列言理  
刑事上聞遂擢刑部主事見獻徵錄

章敝傳由庶吉士授刑部主事○按太學題名碑敝爲  
永樂二年進士又按敝爲主事時嘗奉命與諸儒纂  
輯五經四書及性理大全見獻徵錄

擢禮部侍郎○按敝居禮部時凡貢使廩給合所司具  
數付通事者以杜侵剋自是遠人以爲朝廷待之加  
厚也見楊榮所撰墓志

章敝附傳餽遺一無所受○按戢初至交阯苦暑館伴  
以象骨扇進及出關仍返之交王謝表有廷臣清白  
語進右春坊右諭德踰年卒見獻徵錄

吳訥傳以醫薦至京○按訥未被薦時授江陰崇明二縣學司訓不就見獻徵錄

進南京右僉都御史○按訥初至留都謁卞壺墓見其偃隘新之又輯歷代名臣諫疏以厲僚屬見錢溥所撰墓志

魏驥傳歷南京太常寺少卿○按驥官太常時嘗立昌平狄仁傑及復漁陽漢循吏祠見列卿記

王振怙寵凌公卿獨嚴重驥呼先生○按驥初爲吏部侍郎途遇王振不爲避振譖之驥一日於帝前言其故直言臣不足惜如名器何溫旨慰之見列卿記

耿九疇傳條奏便宜五事○按九疇所奏五事曰復寵

戶均歲派出振濟節樣鹽立刑官見獻徵錄

卽留爲刑部右侍郎○按九疇爲侍郎時值邊警命留  
守京城見明實錄

命兼撫江北諸府○按九疇撫江北時閒錄重囚平反  
者二十六人見彭時所撰墓志

代陳鑑鎮陝西○按九疇鎮陝西時耀州民爲妖言守  
臣以反聞逮捕三百餘人九疇察其實悉減死見獻  
徵錄

亨等謂九疇實使之○按是時邊境多事九疇謂罪由  
石亨將率諸御史廷劾之事泄反爲所誣帝察其冤  
僅謫外見列卿記



軒輓傳永樂末年進士授行人司副○按輓初爲進士督漕淮上冬月墮水旣出擁被坐待燎衣有司亟進衣卻之見彭韶所撰傳

永樂時增至八萬二千兩

改至宣德時增至九萬餘兩

○按食貨志

浙江溫處麗水平陽等七縣銀場永樂中徵至八萬餘兩宣宗復增至九萬餘兩

奏孝宗理宗及福王陵墓俱爲豪民侵奪○按元史宋理宗諸陵爲嘉木揚喇勒智所發義士唐珏等私收葬之明太祖卽位詔有司以禮改葬趙伯泰所奏陵墓應卽屬改葬者

黃孔昭傳舉天順四年進士○按孔昭未舉時建寧守

賀滋知其賢舉爲松谿訓導歎曰士有志用世乃藉人舉薦耶慨然益力於學見列卿記

孔昭嗜學敦行○按孔昭所輯有赤城論諫錄所著有定軒集見列卿記

明史考證攬逸卷九

明史攷證攬逸卷十

長洲王頌蔚編集

列傳第四十七

熊概傳與春同往巡撫南畿○按概巡撫南畿時有修建胡安定范文正魏了翁祠及復范魏義田事見楊榮所撰碑

陳鑑傳已命與靖遠伯王驥巡視甘肅寧夏延綏邊務○按陳鑑與王驥備邊在正統九年九月見明實錄

陳泰傳擢大理右少卿

右改寺

○按大理寺少卿雖有左

右而品秩相同無甚關繫此刪寺字未合

罷巡撫官○按罷巡撫提督官在天順元年正月至二

年四月復設見明英宗後記

李棠傳玠窘則遣使走京師

至

出其子於獄○按黃玠

乃邊遠土司豈能知中朝意旨爲此迎合之舉考之明實錄則當時主使之者乃侍郎江淵也

李棠附傳尋巡撫浙江

撫改視

○按本紀成化六年二月

命大理寺少卿宋旻侍郎曾翬原傑黃琛副都御史滕昭巡視南畿浙江河南四川福建等省其餘有巡撫者命亦如之是輩之出乃巡視非巡撫也

劉孜傳四年致仕○按孜先於成化三年九月表請致仕不許見明實錄

劉孜附傳坐累謫晉江○按宥於成化三年以宋傑之

薦賜書褒美見明實錄至其因何累坐謫則未之及  
原傑傳遂命傑出撫○按傑之出撫荆襄在十二年五  
月至置鄖陽府設行都司衛所在十二月見本紀

彭誼傳成化四年遼東巡撫張岐得罪○按岐以挾私  
生事酷害邊軍爲軍士所控下獄事在成化四年四  
月

夏堦傳居爛土久○按元時有陳蒙爛土軍民府其地  
屬順元八番傳所稱爛土蓋卽此

高明傳尙書陳汝言有罪偕諸御史劾下之獄○按汝  
言下獄在天順二年正月以其附石亨曹吉祥也見  
明實錄

列傳第四十八

王彰傳擢吏部源士○按職官志洪武六年設六科給事中至二十二年魏敏卓敬等凡八十一人皆爲給事中適符古元士之數改爲元士又以六科爲事之本源改源士尋復爲給事中彰之被擢適當其時但吏科非吏部也

彰與給事中王勵往河南○按彰撫河南時尙有疏辨周王不法事王之得保全蓋彰力也見明實錄

金濂傳於是給事中御史劾濂失信於民至遂下都察院獄○按明實錄載李侃面糾金濂格詔徵斂之罪景泰欲宥之侃復膝行近前力爭不可遂下獄是濂

之罪實侃一人發之此云給事中御史交劾與實錄互異

羅通傳乃授其二子所鎮撫○按職官志有所千戶所鎮撫與衛同隸都司

張鵬傳成化四年至兼撫淮揚四府○按明實錄成化四年十二月戶部郎中夏寅請各省以都御史一員統制一方戶部是其言議於浙江福建二處選都御史二員控制蓋以有劫取銀礦之事也憲宗不允於是有巡撫官不必設之語是爲添設而言非罷之也職官志亦無成化閒罷巡撫之文傳文當有舛誤

李裕傳而李孜省方貴幸用事

刪方字



明史  
以裕代之

裕上增李字

○按代耿裕者李裕兩人同名並見

而一遺其姓眉目不清

列傳第四十九

周新傳命戮之○按新之被害在永樂十年十二月見  
明實錄

應履平傳必領內勘合下都司不敢輒下衛○按職官  
志都司秩二品統各衛所掌一方軍政故勘合必由  
都司下衛所以稽核之也

時麓川用兵○按本紀正統三年六月命沐晟方政等  
討思任發至六年十二月始平傳云用兵麓川當指  
此

況鍾傳薦授儀制司主事○按獻徵錄載鍾本姓黃其官禮部時曾奉命往迎明宣宗以七晝夜馳至江寧由是以忠勤爲宣宗所知

陳本深傳奏新先儒歐陽修周必大楊邦乂胡銓楊萬里文天祥祠廟儒改賢○按諸賢皆有大節與僅通一經者不同傳稱先儒未合

彭勛傳時初設提學官○按明實錄提督學校官之設在正統元年六月從尙書黃福之請也

黃潤玉傳時寇起軍興○按明實錄正統元年十二月總兵官蕭授討平廣西蒙顧十六洞賊傳所云寇起當指此

陳壯傳祖坐事謫戍交趾○按周祚所撰傳載其祖名珪父名簡但未言其坐何事謫戍

張曷傳授鉛山知縣○按張邦奇所撰傳載其令鉛山時尙有杖斃善呪人之妖巫及斷中鰥魚毒之疑獄列傳第五十

耿通傳工部尙書宋禮不卹下匠丁下改○按宋禮傳永

樂九年命開會通河發山東及徐州應天鎮江民三十萬凡二十旬而河成通之効禮當指此

劉球傳字廷振○按彭韶所撰傳球字求永此作廷振互異又球官主事時嘗奉使蜀王餽以厚禮堅卻未受

順夜攜一小校持刀至球所○按小校姓名不傳明羅洪先所撰劉球死事狀稱其素爲耿九疇所識自從馬順害球後體日羸瘠耿問之乃吐實且曰劉公忠臣吾迫於勢爲此事死有餘罪因慟哭未幾遂卒

鍾同附傳有禮部郎孟玘者亦疏言復儲事○按玘字廷振土木之難首受刃臂中矢墮叢尸中卒得脫其言復儲也景泰雖不加罪而謫知萊州繼又知廬州有惠政見林俊所撰墓志

廖莊傳于謙王文以謀立外藩誅死

改于謙王文以徐有貞石亨誣陷死

○按于謙王文之死實由徐有貞石亨之誣陷維時天順尙未忍加刑徐有貞至有不殺二人此舉無名

之語史冊章章可考傳云以謀立外藩誅死轉似有  
貞等誣陷之詞屬實非所以傳信也

倪敬附傳景後爲羅江知縣○按景曾任羅江令鄰寇  
趙鐸爲亂景討平之又去祆神祠見胡直所撰傳

楊瑄附傳大角天王之坐心宿中天王正位也

天王並改天皇

○按晉書天文志鉤陳口中一星曰天皇帝所以

主御羣靈

列傳第五十一

李時勉傳安福人○按名臣實錄時勉先金陵人徙居

安福

忠附奏太后○按外戚傳忠附奏曰臣荷厚恩欲赦李

祭酒使爲臣客坐無祭酒臣不歡較史爲詳

陳敬宗傳得無誑君耶○按明書敬宗曰不可被誣事  
小欺君事大與史略異

劉鉉傳仲子瀚至無玷吾門矣○按瀚使南方時鉉戒  
之有臨財毋苟得之語明書及識大錄獻徵錄皆同  
林瀚傳閩人○按獻徵錄瀚先光州固始人五代時始  
家於閩

謝鐸傳條上備邊事宜○按鐸所上備邊事宜獻徵錄  
所載較史爲詳

均撥厯○按選舉志洪武中令諸生於各司分習吏事  
謂之厯事又謂之撥厯

魯鐸傳以刑部尙書林俊薦○按獻徵錄識大錄所載  
林俊薦書甚詳史略之

列傳第五十二

弋謙傳廷臣以謙負重名○按獻徵錄廷臣專指六科  
而言

左鼎傳鼎出爲廣東右參政至召爲左僉都御史○按  
獻徵錄鼎擢廣東布政司參政未抵任

列傳第五十三

陶成傳又自抵賊巢諭降者三千餘人○按是時總兵  
徐恭尙書石璞久屯無功共推成成抵賊壘留七日  
諭降之見識大錄

陶成附傳以征荔浦徭功

徭改徭

每平賊率置縣建學以興教○按魯前後平瀧水後山賊置從化縣平恩平陽江賊置恩平陽平縣平新寧白水賊置新寧縣見識大錄

丁瑄傳十三年四月至登城撫諭○按是時尤谿賊蔣福成有眾萬餘同知鄧洪等帥兵捕之福成與鄧茂七合官軍殲焉張海遣都指揮張某以兵四千往勦敗績遂圍延平見明史紀事本末

茂七雖死至以大軍討○按明實錄十四年正月上以閩師老無功命寧陽侯陳懋爲征南將軍保定伯梁瑤平江伯陳豫爲副總兵是懋等之遣在茂七未殲



之前也明史紀事本末所載同與傳互異

毛吉傳成化元年二月新會告急○按成化元年正月賊出惠之河源轉掠翁源吉率官軍二千追之賊大敗遂西奔見識大錄

林錦傳會連州爲賊所陷

連改廉

○按地理志連州領於

廣州原非府考識大錄成化元年十一月廣西猺入高廉二府劫其府印庫物遂以連山知縣孔鏞試高州知府靈山知縣林錦試廉州知府傳誤廉爲連

郭緒傳孟密宣撫司之設也

至

兩酋構怨不已○按思

錄卽思任少子據孟養地爲亂正統十三年王驥與畫金沙江爲界許以酋目居孟養及征孟密時參政

毛科檄思祿兵思祿以羸卒數千應孟密來禦科大  
敗思祿軍殲焉遂違誓渡江而據孟養自立見明實  
錄

還軍至千崖

千改

明史攷證攬逸卷十

明史攷證攬逸卷十一

長洲王頌蔚編集

列傳第五十四

韓觀傳威震南中○按山雲傳初韓觀鎮廣西專殺戮  
慶遠諸生來迓觀曰此皆賊覘我也悉斬之其威震  
如此史略於此而詳於彼

山雲傳徐人○按雲徐州人明書及名臣言行錄識大  
錄皆同史省州字

正統二年○按名臣實錄正統元年貴州按察使應履  
平劾公作威福公自陳上不問

卒於鎮○按名臣言行錄雲卒上悼惜之輟朝一日

方瑛傳東苗干把豬等僭偽號

東上增貴字

尋卒於鎮○按識大錄平苗之後朝廷方將論功行賞而瑛卒

李震傳初麻城人李添保○按識大錄作李天保

論功封興寧伯○按識大錄論功封興寧伯食祿一千石

會直方傾項忠詞連震遂逮下獄○按識大錄直奏震嘗私遣項忠造室侵地下錦衣獄拷掠備至震遂誣服革爵

張祐傳廣州人○按識大錄祐廣州右衛人

贊

雖功最焯著而皆以威信震懾蠻荒

刪雖字而字

士君子何以過

士上增雖字

列傳第五十五

曹鼐傳事繼母以孝聞○按獻徵錄定制母止封一人正統十二年鼐陳情乞將前母孟氏一體追贈詔允之不爲後例蓋特恩也

鼐益等俱及於難○按獻徵錄鼐及諸臣共五十二員鄺埜傳振關中饑○按今獻備遺陝饑華亭宜川尤甚公私匱竭乃移旁縣粟振焉

袁彬傳達誣以罪○按門達傳達誣彬受石亨曹欽賄用官木爲私第索內官督工者甃瓦奪人子女爲妾

諸罪名

贊

夫始之不能制其不出

至

亦可無譏於傷勇矣

改固英宗自貽

伊戚而諸臣當倉皇奔潰之時相率捐軀雖不能禦患而於主辱臣死之義庶幾無愧矣

列傳第五十六

陳循傳永樂十三年進士第一○按識大錄循甲午舉鄉試第一名乙未會試擬第一考官梁潛以鄉曲避嫌改取林文枯而公第二及廷試擢第一

賜第玉河橋○按獻徵錄及識大錄循授修撰時卽賜第萬寶坊至是又賜第玉河橋也

爲給事中張寧等所劾○按識大錄及獻徵錄御史給

事中交疏言少保陳循備天子股肱私其子欲撓國法請斥逐以戒輔職亡狀

其嚴譴則石亨輩爲之○按識大錄及獻徵錄石亨與徐有貞噤言者劾循謫戍邊

王文傳東鹿人○按識大錄及獻徵錄文先鳳陽府霍正人

文之死至故冤死而民不思○按識大錄及獻徵錄石亨等以公在都察院時曾劾之乘機報復設計誣陷而死四方冤之年六十有五

江淵傳淵前後條上軍民便宜十數事○按識大錄及獻徵錄所載淵條奏較史爲詳



英宗復位與陳循等俱謫戍遼東○按謫戍遼東史言與陳循等俱謫殆亦爲石亨輩所劾耶且識大錄及獻徵錄亦有後石亨敗復其官之語

許彬傳石亨等謀復上皇以其謀告彬○按識大錄及獻徵錄石亨憾岳正忤己并及於彬

萬安傳同年生詹事李泰至安兄事之○按獻徵錄李泰少於萬安十二歲

始惶遽索馬歸第○按獻徵錄索輿輿人非時至乃借他馬歸舍

劉翊傳壽光人○按獻徵錄翊先下邳人

尹直傳與修英宗實錄總裁欲革去景泰帝號○按總

裁欲革去景泰帝號事史未詳何人創議今據憲宗本紀載有左庶子黎淳疏駁事而列卿記又載淳於成化初嘗預修英宗實錄是此議出自淳意亦未可知

列傳第五十七

高穀傳千戶龔遂榮投書於穀○按是時遂榮獻書隱其名曰修史先生及給事中葉盛奏其書景泰怒甚索上書人急遂榮遂自投首繫獄久之始釋見識大錄與此互異

都給事中林聰忤權要論死○按林聰嘗疏劾王文文怨之求其罪不得會聰囑鄉人於吏部文選郎中阿

文意出其手書欲置重法賴穀言得免死見王鏊守  
谿筆記傳所言權要蓋指王文也

陳循及文構考官劉儼黃諫○按陳循王文以其子入  
試不中因言解首徐經故賈人子儼等受其賂而以  
冠多士景泰爲之增解額乃已見王世貞別集

胡濙傳遣濙頒御製諸書○按所頒御製諸書乃性理  
大全爲善陰隲孝順事實三種見明實錄

易太子○按景泰立子見濟爲皇太子乃三年五月事  
見本紀

官其一子錦衣世鎮撫○按濙子名長寧濙歸里後遣  
其詣闕申謝因授以官見明實錄

王直傳請復立沂王爲皇太子推大學士商輅草疏未  
上○按商輅撰姚夔墓志紀此事甚詳疏中有云陛  
下爲宣宗之子當立宣宗之孫正位東宮夔又舉筆  
添一復字直潑等咸稱善時爲景泰八年正月十六  
日至十七日而石亨等變作

與金谿王英齊名○按英謚文安見獻徵錄

贊

始終一節可謂老成人矣

改惟易儲之議三人者心知其非而不免附和抑獨何歟

○按高穀胡濙王直皆負一時重望易儲之議不免  
與九十一人隨同署名較之李侃林聰等力爭者稍  
覺有媿

列傳第五十八

于謙傳出按江西雪冤囚數百○按謙按江西時藩府以和買爲市廛害懲治之無所避見獻徵錄

巡撫河南山西○按謙爲巡撫在宣德五年九月維時同被命者尙有周忱趙新趙倫吳政曹弘五人謙最少甫三十三歲見明實錄

正統六年疏言今河南山西積穀

正統改宣德

○按明實錄

謙以正統六年三月下獄五月釋爲大理寺少卿未幾復以吏民之請仍出巡撫此疏言河南山西積穀乃宣德六年事原本誤作正統依次類敘轉似下獄在正統六年後與實錄不符正統當是宣德之譌

及是三楊已前卒

改正統六年入朝時

○按三楊本傳士奇以正

統九年卒溥以十一年卒惟榮卒於正統五年謙之入朝被陷在六年則不得云三楊已前卒也考傳內前標正統係宣德之誤已爲訂改此處應添正統紀年則下文云十三年以兵部左侍郎召於義乃協

謙入朝

改因謙疏

且啟王宣諭曰○按是時尙有振之長隨王毛二姓亦宣諭以金瓜擊死見識大錄

也先弟孛羅平章卯那孩中礮死○按是役謙先已遣諜探知英宗駐駕地距營遠故以火礮擊也先營死者數千人見章珣琬珍錄

無敢言講和者

刪講字

謙密令大同鎮將禽寧戮之

改上皇乃給寧至邊密敕禽之謙

○按識

大錄大事記載喜寧與袁彬俱從英宗至北寧乃爲也先謀告以中國虛實又因袁彬忠勤說也先誅之英宗乃與彬謀僞告也先以令寧赴邊索餉而置書寧從人衣中邊將得書遂禽寧是喜寧之禽實出英宗與謙無預也

會也先與脫脫不花構

構下增怨字

○按外國傳也先姊爲

脫脫不花妻也先欲立其姊子脫脫不花不從遂治兵相攻此云也先與脫脫不花構語意未足

請乘閒大發兵

刪大

而福建鄧茂七

刪而字

御史顧睢言謙太專

睢改

指揮朵兒者

朵兒改多刺

○按多刺本蒙古人見倪岳所撰

謙碑

列傳第五十九

王驥傳二年五月命驥往○按是冬驥遣魏榮擊寇莊

浪大捷見琬珍錄

窮進至黑泉

進改

麓川宣慰使思任發叛○按思任發之叛在正統三年

是年六月命方政張榮與沐晟往討四年五月又命

沐昂見明實錄



明年四月至傳檄安南縛之以獻○按正統六年韋郎

羅以維摩州判自稱廣新王故命驥回師討之見識

### 大錄

跋涉山谷

涉改

賜敕解任○按于謙素不重驥其解任蓋以此見劉振  
所撰驥傳

王驥附傳提督三千營○按三千營乃三大營之一永  
樂時置掌車輦旗纛出入扈從隊皆騎

徐有貞傳疏陳兵政五事○按兵政五事一每年秋冬  
遣將巡邊一於西安八府募兵一命大臣舉邊將一  
遣大臣練兵一命天下選舉武勇見明實錄

往彰德○按有貞鎮彰德時建牙募兵兼以太行降盜  
近萬人教以坐作進退之法後以罷鎮散遣見王世  
貞別集

名其渠曰廣渠

渠改濟

○按河渠志有貞治張秋渠成賜

名廣濟此作廣渠誤

楊善附傳李實○按實以天順初家居後爲鄉人所訟  
籍其家逮下獄至成化初始釋見獻徵錄

成化初

至

卒於京師

○按瑄以詈其屬司郎中何經爲

經訐其諸不法事雖未加罪因是鬱鬱不樂乞致仕  
見陸簡所撰傳史云爲言官所劾當指此

王越傳破敵開荒川○按開荒川之捷在成化六年七

月總兵者爲房能其延綏東路之捷則越也見明實錄

乃拜武靖伯趙輔爲平虜將軍○按趙輔爲將軍乃成化八年五月事是年正月參將錢亮爲瑪拉噶所敗柏隆陳英俱戰死故有趙輔之命見本紀

內閣論罷西廠越遇大學士劉吉劉珏於朝○按西廠之設在成化十三年正月其年六月商輅項忠請罷之是其時論西廠者不獨吉翊

明年直得罪至謫居安陸○按直之謫在成化十九年八月坐其黨貶黜者王越而外尙有戴縉等見明實

錄

明史攷證攬逸卷十一